

Seltjarnarnesbær
Austurströnd 2
170 Seltjarnarnes

Reykjavík, 3. júní 2021
UST202105-334/Þ.V.B.
09.05.01

Umsókn um leyfi til rannsókna - Gróttu - fuglatalning

Umhverfisstofnun hefur móttengið umsókn Seltjarnarnesbæjar, dagsett 31. maí 2021, um leyfi til að fara Gróttu á lokunartíma vegna fuglarannsóknna.

Gróttu er friðlýst sem friðland sbr. auglýsing nr. 13/1984. Mannvirkjagerð og jarðrask allt, annað en viðhald núverandi húsa og túna, er bönnuð. Umferð óviðkomandi fólks er bönnuð á tímabilinu 1. maí til 15. júlí. Bannað er að skerða gróður, trufla dýralíf, skaða varp og fara um friðlandið með skotvopn.

Lýsing verkefnis:

Sótt er um undanþágu fyrir einn mann til að fara um Gróttu einu sinni í 1-2 klst á tímabilinu 10.-13. júní 2021. Tilgangurinn er að safna upplýsingum um tegundir, fjölda fugla og hreiðra innan svæðisins vegna vöktunar á fuglalífi svæðisins.

Umsagnir:

Í samræmi við 1. mgr. 41. gr. laga nr. 60/2013 um náttúruvernd óskaði Umhverfisstofnun umsagnar Náttúrufræðistofnunar Íslands þann 2. júní 2021 vegna verkefnisins. Umsögn Náttúrufræðistofnunar barst þann 2. júní 2021. Í umsögn stofnunarinnar kemur fram að hún gerir ekki athugasemdir við að undanþágan verði veitt.

Áhrifamat:

Umhverfisstofnun metur verkefnið líklegt til að hafa truflun í för með sér fyrir fuglalíf svæðisins rétt á meðan rannsóknin fer fram. Um er að ræða vöktun á lífríki svæðisins og áhrif rannsóknarinnar því jákvæð til lengri tíma litið sé farið eftir skilyrðum leyfisins.

Skilyrði:

Umhverfisstofnun veitir Seltjarnarnesbæ fyrir sitt leyti leyfi fyrir einn mann að fara um Gróttu á lokunartíma sbr. lýsingu hér að ofan á tímabilinu 10.-13. júní 2021 að uppfylltum eftirfarandi skilyrðum:

- Rannsóknaraðili skal hafa þetta bréf með í för á meðan verkefninu stendur.
- Gæta skal þess að halda truflun í lágmarki.
- Tilkynna skal til starfsmanns Umhverfisstofnunar á svæðinu hvenær undirbúningur fyrir verkefnið hefst og þegar því lýkur með að minnsta kosti sólarhrings fyrirvara.
- Umhverfisstofnun skal tilkynnt um öll frávik við áður útgefna verkefnalýsingu og eins ef breyting verður á tímasetningu verkefnis eins fljótt og auðið er.
- Gæta skal þess að valda sem minnstu raski þegar farið er um svæðið.

- Virða skal umgengnisreglur sem gilda um svæðið.
- Takmarka skal þann tíma sem dvalið er á svæðinu eins og kostur er.
- Ef upp koma álitamál um framkvæmdir sem tengjast verkefninu og frágang svæðisins skal hafa samband við Umhverfisstofnun í síma 591-2000.
- Rannsóknaraðili skal klæðast merktum sýnileikafatnaði sem gefur til kynna að um rannsóknaraðila sé að ræða.
- Starfsmenn verkefnisins gangi snyrtilega um svæðið og forðist allt rask og þess gætt að allur úrgangur verði fjarlægður.

Ef framkvæmdaraðili veldur náttúruspjöllum með framkvæmd í skilningi 87. gr. laga nr. 60/2013 um náttúruvernd getur Umhverfisstofnun t.d. lagt fyrir framkvæmdaraðila að afmá jarðrask og lagfæra gróðurskemmdir eða stöðvað framkvæmdir sbr. nánar XV. kafla laganna.

Ef umhverfisaðstæður á svæðinu breytast getur Umhverfisstofnun skv. 2. mgr. 89. gr. laga nr. 60/2013 um náttúruvernd breytt skilyrðum leyfis, bætt inn nýjum skilyrðum eða afturkallað leyfið til að koma í veg fyrir verulegt, ófyrirséð tjón á náttúru Íslands.

Umhverfisstofnun óskar eftir því að fá afrit af niðurstöðum ofangreindrar rannsóknar án endurgjalds.

Sé skilyrðum leyfis ekki fullnægt getur Umhverfisstofnun afturkallað leyfið skv. 1. mgr. 89. gr. laga nr. 60/2013 um náttúruvernd.

Eftirlit:

Umhverfisstofnun mun hafa eftirlit með framkvæmdum og frágangi á svæðinu. Eftirlitið verður framkvæmt af eftirlitsmanni frá Umhverfisstofnun.

Virðingarfyllst

Hildur Vésteinsdóttir
sviðsstjóri

René Biasone
sérfræðingur